

Fwen Hauqswnh Bohmeh

□ Vangz Fungmingz Dangz Yengauh / 黄凤明 唐彦高

Bineix binghdoeg lah,
Daxmeh raeuz cei q fanz;
Ngoenz raeuz ok dou ranz,
Meh fanz mbouj rox gangj.

Dangh bohme son naeuz,
Aeu daegbied simhai;
Vah gangj boengj gangj lai,
Coenzcoenz nai rox gyaez.

Boux vunz raeuz oksei q,
Cei q fanz dwg bohme;
Daj lij iq daengz geq,
Bohme lij yousim.

Ciengx bouxlgw bae rog,
Meh ndangndok gyonj fouz;
Cuengqheiq mbouj doxdawz,
Mbouj ngawz lou diuz mingh.

Seng lgw mbouj yungzheih,
Ndat nit seiz aeu gangj;
Baihde guh hongranz,
Baihneix ganj hongnaz.



Caet nyied haeux dak ndit,
Cib nyied nit youh fwn;
Gonz nywj caeuq gwed fwz,

Buh donh dumz donh hawq.
Ganq lgw mbouj yungzheih,

Feiq haujlai goengrengz;
Dangheiq youh cengqgengz,
Dwgrengz bouxlawz rox.

Ciengx raeuz hung baenzneix,
Cingzgeih mbouj ndaej lumz;
Ngoenzneix raeuz baenz vunz,
Gaej lumz de bouxlaux.

Raeuz miz cienz miz ngaenz,
Yaek baen hawj meh yungh;
Lwglan dwg meh rungx,
Lumj duza dauq nyamh.

Hung iq dwg bouxlaux,
Ndei nyauq bohme raeuz;
Lij youq mbouj doxnaeuz,
Dai cuengq caeuz fouzyungh.

Hauqswnh dwg bonjfaenh,
Haethaemh mbouj ndaej lumz;
Bouxlaux yaek hawj gwn,
Yaek guh vunz roxsoq.

Doxgiet Goengrengz Daih

□ Cinz Genmouz / 覃建谋

Bouxlawz miz hojnanh,
Mbouj hawj ranz lawz vei,
Minzczu doxgiet ndei,
Caux ndei guekcoj raeuz.

Caux ndei guekcoj raeuz,
Bouxhoj mbouj cai q miz,
2020 bi,
Gizgiz caez bienq fouq.

Doenghbaez hoj lumj gaeng,
Mbouj miz ngaenz cawx noh,
Caux ndei raeuz guekcoj,
Bouxhoj mbouj cai q miz.

Dangj son gak minzczu,
Doq doxgiet cij ndei,

2020 bi,
Gizgiz caez bienq fouq.

Cibbet Daih gvaqdaeuj,
Gij laeuz gizgiz sang,
Minzczu caez doxbang,
Doengz gyaranz beixnuengx.

Doenghbaez raeuz dai q hoj,
Byaij loh mbouj ngiengxgyaeuj,
Cibbet Daih gvaqdaeuj,
Gij laeuz gizgiz sang.

Dangj fuzbinz ciuqgoq,
Goengloh doeng daengz ranz,
Minzczu caez doxbang,
Doengz gyaranz beixnuengx.

Cienz guek gak minzczu,
Bouxboux rox caux moq,
Ndaem haeux youq gwnz fwj,
Ngaenzloh daengz bakdou.

Cungguek minzczu lai,
Gvaq feizhaij hix guh,
Cienz guek gak minzczu,
Bouxboux rox caux moq.

Bet sien caez gvaq haij,
Doxsai q goengrengz moq,
Ndaem haeux youq gwnz fwj,
Ngaenzloh daengz bakdou.

Doxgiet goengrengz daih,
Riengz dangj byaij daengz gyaeu,
Dawz haij siu baenz laeuj,
Dawz rin daeuj guh gim.

Haj roek aen minzczu,
Haj roek duj vamai,

Doxgiet goengrengz daih,
Riengz dangj byaij daengz gyaeu.

Dangj minzczu cwngcwz,
Seizseiz youq sim raeuz,
Dawz haij siu baenz laeuj,
Dawz rin daeuj guh gim.

Dangj heuh raeuz hwnj mbwn,
Daihgya bin hwnj fwj,
Miz dangj daeuj yinx loh,
Feizhaij raeuz rox youz.

Dangj naeuz moeb duzuguk,
Doq dub doq dawz cungq,
Dangj heuh raeuz hwnj mbwn,
Daihgya bin hwnj fwj.

Daj seizneix roengzbae,
Ndae mbouj miz bouxhoj,
Miz dangj daeuj yinx loh,
Feizhaij goj gamj youz.

(sat)

Gyanghaemh ndwenbet cibngux,
Lungz Byauh muengh coh aen
ronghndwen, naemj dwk Siu Cuh,
nyaenx mbouj ndaej dangheiq hwnj-
daeuj, gig maqmuengh ndaej riengz
gij rongh daengz bakdou ranz Siu Cuh
bae ra de ha.

“Lwg, gaej gwq simnyap lo.”
Daxmeh rox gig simsaeh de, ndwn
youq baihlaeng de gig unqswnh nai.

“Simnyap yaek dai lo, baenzlawz
mbouj simnyap?”

“Dingq gig vah daxmeh, yienz-
faenh mehmbwn dingh, dahsau mbanj
gyae’gyawj miz moengj, gig vei ra
boux beij Siu Cuh lij ndei!”

“Meh, gou gangj gvaq, ciuhvunz
neix itdingh aeu de guh yah, mboujnex

couh mbouj aeu.”

“Ai, bohme de gaengj lai lo,
raeuz mbouj deudik ranz de, ranz de
fanjdauq yiemz raeuz, mbouj rox daj
gyawz miz cungj dauhleix neix!”

“Ranz de baenzlawz deudik
raeuz?”

“Hai! Naeuz ranz raeuz vunz
noix, geij daih caenh bousai dog

ndwi, youh naeuz mwngz mbouj miz
maz dinfwngz, baenzngoenz gwnndwi
youqlag……”

“Haengjdingh mbouj dwg Siu Cuh
deudik doenghgij neix.” Lungz Byauh
huj ndaej daengx naj hoengzhwdhwd.

“Lij naeuz, cik ga mwngz naeuh
lo, aeu yw ndei gonq, mboujnex aiq
lah gig doeg hawj bawx bonj-

faenh——”

“Luenhngab! Siu Cuh cungj gamj
aeu bak sup gig baksieng gou!”

“Dang’ yienz, doenghgij neix
cungj dwg gyaij, cei q youqgaenj
vanzlij yiemz ranz raeuz mbouj miz
geijlai gyadangq, gungzhoj lai lo.”

“Eiqsei couhdwg ranz de mbouj
doengzeiq lo?” (caengz sat)

·Sawcuenhvaez Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

(caengz sat)